



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 194. Gerardi Macheti obitus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. pere piscatore natus esset, doctrinæ ta-
 A.C. 1448. men, ac pietatis laude adeo eminuit, ut
 ad supremos dignitatum Ecclesiasticarum
 apices eveheretur. Primo Canonorum
 Regularium institutum professus, demum
 Archidiaconus Leodiensis, & Ecclesiæ
 S. Florini Constantiæ Decanus renuntia-
 tus est. Interfuit Concilio Basileensi, e-
 jusdemque auctoritatem supra Pontificem
 olim extulit, ac in hanc rem celebre
 opus sub titulo *de Concordantia Catholica*
 in tres libros distinctum evulgavit. Po-
 stea vero a Basileensibus secedens, Eu-
 genio IV. adhæsit, variis Apostolicæ Se-
 dis Legationibus in Germania, & Galliis
 præclare functus, tandem a Nicolao V.
 die vigesima Decembris anno supra mil-
 lesimum quadringentesimo quadagesimo
 octavo Presbyter Cardinalis tit. S. Petri
 ad vincula unacum aliis quinque ad ean-
 dem dignitatem vocatis creatus est. Mox
 in Germaniam missus Brixiae in Tirolis E-
 piscopalem sedem obtinuit; sed subortis
 cum Sigismundo Austriæ Duce diffidiis
 e Germania in Italiam reversus est.

§. CXCIV.

Gerardi Macheti obitus.

Dupin. ibid.
 p. 84.

Sub id tempus Gerardus Machetus, qui
 Carolo VII. a confessionibus, & ab eo
 Castrensis Episcopus nominatus fuit, ex-
 tremum

tremum clausisse diem creditur. Hic in Sæcul. XV. A.C. 1448.
 Collegio Navarrico Theologiæ operam
 dedit decimo quarto sæculo ad finem ver-
 gente, & anno millesimo quadringente-
 simo undecimo inter Doctores Theologos
 Facultatis Parisiensis adscriptus, paulo
 post in Ecclesia ad Beatam Virginem Pari-
 siis Canonicatum obtinuit. Absente Ger-
 sonio in Universitate Parisiensi Cancel-
 larii munere functus, Imperatorem Sigis-
 mundum per Gallias euntem solemnem o-
 ratione salutavit. Mortuus est Turonii,
 ubi eo tempore Regis aula hærebat. Plu-
 rimas conscripsit Epistolas, quæ in Bi-
 bliotheca S. Martini Turonensis asservan-
 tur. Illius mentionem facit Joannes Lau-
 noius in sua Historia Regii Navarræ
 Gymnasii, eumque inter præcipuos Do-
 ctores commendat.

§. CXC.V.

*Geldriæ Ducis Filia Scotiæ Regi
desponsa.*

Jacobus II. Scotiæ Rex eodem quoque
 anno connubium iniit cum Maria Du-
 cis Geldriæ, & Juliaci Filia, Philippi Bur-
 gundiæ, & Brabantia Ducis Nepte. Hæc
 a Jacobo de Bethunia, qui erat ejusdem
 nominis, Jacobi, & Elisabethæ ab Estu-
 tevilla Filius, in Scotiam delata est.